

लागि सान्तय, समिरिद्ध, स्वावलम्बि आधुनिक् नेपाल् निर्मान् दान्या गेमि आन्हान्,
बिभेद्, बेरिज्गारि सोनो भरस्ताबचार्वै ओअन्य् को लागि 'कुइ मिलैसिउ' चिनल्लस मतदान् !

राष्ट्रिय जनमुक्ति पार्टी

(RASTRIYA JANAMUKTI PARTY)



चुनाब् चिनल् 'कुइ मिलैसिउ'

परतिनिधि सभा निर्बाचन् - २०८२

नागरिक् सम्बोधन्-पत्रन (खाम भाषा)

राष्ट्रिय जनमुक्ति पार्टी

केन्द्रीय प्रकाशन विभाग

janamukti48@gmail.com

Facebook.com/janamukti, Twitter.com/janamukti

www.facebook.com/Rastriya Janamukti Party

www.janamukti.org

मान्को दाज्युभाइर सोनो नानानाठजार !

२०८२ फागुँ २१ गतेको लागि तय जासो प्रतिनिधि सभावै निर्बाचन् बरेल एक्-एक् नेपालिराइ नागरिक् चेतना सोनो दायित्व पुरा दाउ परिन्या अवस्था रादले । नेपाल्लाइ सान्त, समिद्ध, स्वावलम्बि, आधुनिक् रास्तिरिय एकतावै उमुत्रल बाँधिसिउ सक्षम् रास्त्वै ओरुप्ल बिकसित् जैन्या परिकल्पना घुर्द ३६ बरस बरिदि जर्मिउँ रास्तिरिय जनमुक्ति पार्तिवै ओतर्फाइ आउ निर्बाचन्त चुनाबि घोसना पत्रवै ओरुप्ल आउ नागरिक् सम्बोधन्-पत्र रैद गेराले । नमि नागरिक् चेतना पर्योग् दाद सहि निर्नय जेदाते लेन्या अपेछ्या सोनो आह्वान् समेत् गेदाज्या ।

१) देस् समिरिद्ध जास्न्या ?

जो मुलुक् दिब समिरिद्ध जास्न्याको लागि स्योचाइँ बरिदिडाउँ आधारभुत् स्र्त रास्तिरिय एकता सोनो बिस्वास् । बहुजातिय, बहुभासिक्, बहुसाँस्कृतिक् सोनो बहुधार्मिक् बिसेसता जासो मुलुक् ओजासोवै नेपाल्ल “स्योराइ यासाथ्, स्योराइ याबिकास्” लेन्या मुल् मानेता घुर्सिउ सासन् चाहिदले । नो स्र्त पुरा जैन्या सङ्घिय लोकतान्तिरिक् मोदेल्लाउको लागि गे परतिबद्ध गेलिज्या ।

२) आरकाउ सङ्घिय मोदेल् थिक् लिज्या ?

नेपाल्ल बिकास्, समिरिद्धि सोनो रास्तिरिय एकतावै उमि राज्जितिक् परस्ताब् रैन्या पार्ति रास्तिरिय जनमुक्ति पार्ति । सङ्घियतावै उमि मुल् परस्ताबक् सोनो वकालत्कर्ता जासो नातावै गे कै गेलेज्या लेक, नेपाल्लाउ सम्बन्धान्- २०७२ वै अङ्गिकार् दासिउ सङ्घिय मोदल् तुरुतिपुरन् लिज्या । अथबा रास्तिरिय आकाङ्ख्यालाइ सम्बोधन् दान्या किसिम्लाउ जासो माधुधाउ । नो १० बरसवै ओअनुभव्वै ब पुस्ति दादले । हो कारन्वै सक्तिसालि राज्य पुनर्रसमरचना आयोग् गथन् दाद होइ ओसुभौ बमोजिम्लाउ सङ्घिय मोदल्ल हिउँपरि । आल गे परतिबद्ध गेलिज्या ।

३) परत्यछ्य कार्यकारि आवश्यक् लिज्या ?

नेपाल् तुबु बहुलवादि समाज् लेउ देस् । हो कारन्वै केन्द्रिय तहल कुनै तुनु ब्यक्ति रास्तरपति लेन्या व्यवस्था भन्दा कलस्त्रल आधारित् रास्तरपति मन्दल् उपयुक्त जासो ले, होलाइ सम्सद्वै चुनिन्या ले । कार्यकारि (परधान्मन्तिरि) परत्यछ्य निर्वाचित् जास्न्या, मन्तिरि मन्दल् साम्सद् सोनो गैर-साम्सद्दि बनौ स्वैसिन्या व्यवस्था थिक् जासो ले । ऐजैद परदेस् तहल ब मुख्यमन्तिरिवै परत्यछ्य निर्बाचन् दान्या थिक् जासो ले । गे आउको लागि सहमत् सोनो परतिबद्ध गेलिज्या ।

४) भरस्ताचार् कैजैद हतैन्या ?

नेपाल्ल कुसासन्, गरिबि, बेरोज्गारि, परनिर्भरता सोनो नागरिक् बिदेस् पलायन्लाउ अवस्थावै मुल् कारन् भरस्ताचार् ज लेन्याल गे स्यो परस्त गेलिज्या । तैपनि भरस्ताचार् भन्भन् बधिन्या सोनो संस्थागत् जासोयाँ हिन्या गमिभर् अवस्था लिज्या । आलाइ हतैन्या भरस्ताचार् बिरुद्ध दिरिध् सङ्कल्प लेउ रास्तिरिय निरति सहिल्लाउ कदा कदम् चालिउ परिन्या अनिवार्य लिज्या । नमि जन्मकालिड ज

भरस्ताचार्लाइ आर्थिक् अथवा नैतिक् अपराध् माक, देस्दोरोह सरहलाउ अपराध् सोनो भरस्ताचार नियन्तरन् माक, निर्मुल् ज जैन्या रास्तिरिय निति लागु जौपरि लेन्या अथोत् रैसिउ सोनो जनस्त्र्ल २०७६ जेथ १५ किं भरस्ताचार् बिरुद्ध रास्तिरिय अभियान् समेत् सन्चालन् जैजै राउ रास्तिरिय जनमुक्ति पार्त्तवै उमि सासन्लाउ ५ बर्स भितर्ल ज देस्लाइ भरस्ताचारमुक्त जैन्या घोसना जनस्त्र्ल ज कलेस्द दाउयान्ज दाज्या । हालसमलाउ स्यो भरस्ताचार् पर्करन्नाइ याछिनोफानो, भरस्ताचारिलाइ देस्दोरोहि घोसना सोनो नोराइ यासम्पति रास्तिरियकरन् जैन्या गे पर्तिबद्ध गेलिज्या ।

५) देस्वै ओऔद्योगिकरन् कौजैद सठभब् जास्ज्या ?

नेपाल्लाइ औद्योगिकरन्वै ओयुल् लाँन्या चाहना सोनो घोसना गे गेदानै । तर औद्योगिकरन्को लागि गे गेमि मौलिक् मोदेल् ज जास्न्या ले । नेपाल्ल ज स्दैसिन्या कच्चा पदार्थल आधारित् उद् योन्धन्दावै ओबिकास् गेमि पैलो पार्थमिकता जास्न्या ले । निर्यात्मुलक् उद्योगलाइ लगानि पोरोत्साहन् सोनो सुरछ्या सुनिश्चित् दासिन्या ले । रास्तिरिय वावस्यक्ता अनुसारलाउ सामागिरि उत्पादन दान्या तर कच्चा पदार्थ आयात् दाउ परिन्या अवस्थाल उच्च भन्सार सुविधा पर्दान् दासिन्या ले । आत्मनिर्भर् सोनो निर्यात्मुलक् औद्योगिक् बिकास्को लागि गे पर्तिबद्ध गेलिज्या ।

६) लगानि व्यवस्था सोनो बैदेसिक् रिन् सठबन्धल कमदिउ निति रैन्या ?

नेपाल्ल स्यो छेत्रल लगानि सोनो खर्चको लागि बिदेसि रिन् भितैन्या परिपातिवै देस्लाइ गम्भर् सङ्कर्तदङ् घुर्चैज्या । आपाकिं अनुत्पादक् कार्य अथवा खर्च पर्योजन्को लागि बैदेसिक् रिन् रैन्या येन्लाइ निरुत्साहित् दासिन्या ले । उत्पादनन्जन् अथवा पर्तिफल् यान्या परियोजनाराको लागि सर्कार्, उद्यमि सोनो नागरकार् बराबर् लगानि रिःन्या सोंपछ्यलाउ अर्थ पर्नालिवै ओमोदल् लागु दान्या गे पर्तिबद्ध गेलिज्या ।

७) रोज्गार् सोनो रेमित्यान्स सठबन्धि नाति दाव्या ?

रोज्गार्को लागि स्वदेस् सोनो बिदेस्वै ओबिकल्पलाइ बराबर् रुप्ल बिकास् दासिन्या ले । बैदेसिक् रोज्गारिवै ओसर्त वेन्वै ओदछ्यता, काम्दार्वै ओआत्मसम्मान् सोनो ब्यक्तिगत् सुरछ्यावै ओपरत्याभुति अनिवार्य जैसिन्या ले । होको लागि राजे ज जबापदेहि जास्न्या पारावधान् जास्न्या ले । कर्काप् । लोभ्लालच् अथवा भरम्ल पारैद बैदेसिक् रोज्गारिल लाँन्या येन्लाइ जघन्य अपराध् घोसना दाद हो अनुसारलाउ दन्द सजाय दान्या ब्यबस्था जास्न्या ले । रेमित्यान्सलाइ देस्वै ओरचनात्मक् बिकास्ल बोइन्या बारेल बहुआयामिक् निति रैन्या लेसि । सन्सारलाउ जो थाउँल दिब नेपालि नागरिक्राइ आत्मसम्मान् स्तेद, असुरिछत् सोनो अन्यायपुरन् जिबान् बाँचिउ परिन्या अबस्था राउ मायान्या गे पर् तिबद्ध गेलिज्या ।

८) नागरिक्राइ यानिरन्तरता कमदिउ जास्न्या ?

जुनुकै मुलुकल लेउ दिबिस्ताइ नेपालि नागरिकता कायम् ज नौपरि । स्वेच्छावै उमि नागरिकता परित्याग् दासिउ अबस्थाल बाहेक् जो नेपालि उमि नागरिकता खारेज् जौ मापरि । बम्सज्वै ओआधार्ल

नेपालि नागरिकतावै ओहक् सुनिस्चित् नैन्या पारावधान्को लागि गे प्रतबद्ध गेलिज्या ।

९) सठिबधान् पुनरुलेखन् जरुरि लिज्या सिनि माले ?

नेपाल्लाउ सम्बिधान्- २०७२ ल परसस्त कमिकम्जोरि अबस्य लिज्यार । तर सम्बिधान्वै ओखोजि सुरिछित् रास्तिरिय गन्तब्य माक । सामान्य किसिम्लाउ अथवा सम्बैधानिक् परिपातिलाउ सम्सोधन्वै ओपरुकिरियावै वाज ब समाधान् मारान्या निस्चित् लिज्या । हो कारन्वै सम्बिधान् जारि ओजासोकिं ज उथैसिउ मुददा सम्बिधान्वै ओपुनर् लेखन्लाइ फिरि ब आक सम्भौ गेचाहिज्या । सम्बिधान्वै सुनिस्चित् जैसिउ सविकारिद, कमिकम्जोरि हतैद, छुतिउ महत्वपुर्न एजेन्दारलाइ समाबेस् जैद सम्बिधान्लाइ रास्तिरिय एकतावै ओदस्ताबेज् जैन्या राज्नेतिक् बिधि हैदासिउ सम्बिधान्वै ओपुनरुलेखन् ज । आउको लागि रास्तिरिय राज्नेतिक् सहमतिवै ओआधारुल बरिदि सरिउ धुसि हैलेन्यात गे परस्त गेलिज्या सोनो आल गेमि इमान्दारु पर्यास् रिहिन्या ले लेन्या प्रतबद्धता ब ब्यक्त दाउ गेचाहिज्या ।

१०) ठेगि प्रतबद्धता:

प्रतिनिधि सभा निर्वाचन् - २०८२ वै ओसन्दर्भ पारिद रास्तिरिय जनमुक्ति पार्तिवै ओतरुफडि नेपालि नागरिकरास सम्बाद् दाउ स्पैसिउ मुख्य बिसय आर ज । रास्तिरिय जनमुक्ति पार्ति हैयादाज्याउ २०४७ ल इस्थापना जास्द २०४८ लाउ पैलो सम्सादिय निर्वाचन्किं निरन्तर् लोकतान्त्रिक् अभ्यास्तल प्रतबद्ध जासैजासै राउ तुबु जिम्मेबार् सोनो अनुभवि राज्नेतिक् दल् ओजासोवै नोइँ प्रतेक् निर्वाचन्त उमि घोसना पत्र जन्ताइ ओलेउक नौयाँ दाज्या । गे आउ निर्वाचन्त आउ बरिदिडाउँ स्यो रास्तिरिय निर्वाचन्त रास्तिरिय जनमुक्ति पार्तिवै ओतरुफडि जन्ताइ ओबरिक पेस् दासिउ घोसना पत्र (खास दाद प्रतिनिधि सभा निर्वाचन् २०७९ वै ओघोसनापत्र) त उल्लेख् जासो उमि प्रतबद्धतारास ब फिःरि ब प्रतबद्धता जाहेर् दाउ गेचाहिज्या ।

पुनस्चः आउ नागरिक् सम्बोधन्-पत्र मारुफत् परस्तुत् दासिउ गेमि दिरिस्तिकोन् अनुसार्लाउ रास्तिरिय एजेन्डाल खुलिद बहस, छलफल, अन्तर्किरिया दान्या, सन्देस् प्रवाह दान्या सोनो नमि नागरिक् दायित्व पुरा दान्या गे जोरुस आबहान् गेदाज्या । नेपालि नागरिक्राइ आरुकाउ निर्वाचन्त “कुइ मिलैसिउ” चिनलत मतदान् जेदाकिं सदन् सोनो सरुकारु सोनो आबस्यक्ता अनुसारु सदक्ल समेत् ओल्लाइ ससक्त रुफ्त नागरिक्राइ यामि सच्चा पहरेदारुवै ओरुफ्त बरिदि सरिन्या समेत् प्रतबद्धता ब्यक्त गेदाज्या ।

२०८२ माघ १६ गते (सहिद् दिबस)।



टोप अस्लामी
(महासचिव)



केशव सूर्यवंशी
(अध्यक्ष)